



UNIVERSITÄTS-
BIBLIOTHEK
PADERBORN

**Conradi Oligenii J. C. Dissertatio De Primariis Precibus
Imperialibus**

Corradini, Pietro Marcellino

Friburgi Brisgoiae, 1707

L. Indultum Pauli V. Matthiæ Imperatori.

[urn:nbn:de:hbz:466:1-63022](https://nbn-resolving.org/urn:nbn:de:hbz:466:1-63022)

102 De primariis Precibus Imperialibus
nexionibus, & incorporationibus, suppressio-
nibus, & extinctionibus perpetuis, &
temporalibus, nominationibus, ac reser-
vandi, uniendi, annectendi, incorporan-
di, ac nominandi, & aliis conferendi,
commendandi, supprimendi, & extinguen-
di, aliisque circa accessus, & regressus de
consensu facultatibus, literis, mandatis, &
indultis quibuscumque. Datum Romae apud
sanctum Petrum anno Incarnationis Domi-
nicae millesimo quingentesimo septuagesimo
septimo, tertio decimo kalend. Augusti,
Pontificatus nostri anno sexto.

L.
Indultum
Pauli V. Mar-
thiae Impera-
tori.

Rodulpho successit Matthias, quan-
quam nondum coronatus obierit: quem
a Paulo V. id ipsum indultum obtinuisse
patet ex literis Apostolicis in hunc mo-
dum exaratis:

Paulus Episcopus servus servorum Dei.
Charissimo in Christo filio Matthiae Ro-
manorum Regi illustri in imperatorem
electo salutem. Cum post factam de per-
sona Tua per sacri Romani Imperii Prin-
cipes Electores in Regem Romanorum ele-
ctionem, ac per nos pro universa Christiana
Reipublica salute confirmatam, nuper nobis
significaveris te summopere desiderare per-
sonas tibi gratas, & acceptas gratia, & mu-
nificencia, aliqua Beneficia Ecclesiastica con-
sequi posse; Nos quemadmodum magnis me-

rentur efferi laudibus, insignibusque praconii commendari, sublimium Principum desideria, & vota, qua in Divini nominis, & personarum illi Clericali vinculo adstrictarum amore feruntur, & opere postmodum consequente tutum deducantur in actum; ita etiam dignum, vel potius debitum existimamus, ut quoniam in fidei sinceritate, & devotione illibata Ecclesia Sponsa nostra te fidelem Advocatum devovisti, eamque humili professione Matrem, & Dominam Tuam recognovisti, & ad ipsius honorem, & sacri Romani Imperii decus unctionem victoria, & diadema etiam nostro ministerio adveniente tempore suscipere, & in eis immobilis persistere intendis; verum etiam tanquam ipsius Ecclesiae legitimus pugil, & athleta Te adversus Schismaticorum, & Haereticorum, Turcarum Tyranni, ac Fidei, & Christi nominis hostium insanias, & furores spiritualiter, & temporaliter armaris, & in dies arma huiusmodi jugiter exequeris, ea tibi favorabiliter concedamus, qua Tua Celsitudini cedant ad honorem, & per qua eisdem benemeritis personis te munificam reddere possis, ope auctoritatis Apostolicae exhibitione gratiarum. Hinc est, quod Tuae Celsitudinis supplicationi inclinati, dicta auctoritate, praesentium serie eidem

Handwritten notes in a smaller script, possibly a library or archival stamp, including the number '103' and some illegible text.

104 De primariis Precibus Imperialibus
Celsitudini Tua concedimus, & indulge-
mus, quod si per te quibusvis Collatoribus,
seu Collatricibus quorumcumque Beneficio-
rum Ecclesiasticorum secularium, vel Re-
gularium Ordinum quorumcumque per sa-
crum Romanum Imperium ubilibet consti-
tutorum, etiam si qui, vel si qua Ponti-
ficali, vel alia quavis dignitate prae-
fulgeant, seu Collegia, Capitula, & Conven-
tus fuerint super singulis Beneficiis Eccle-
siasticis cum cura, & sine cura, seculari-
bus, vel Ordinum huiusmodi Regularibus
in singulis Cathedralibus, etiam Metropo-
litanis, Collegiatis, & aliis quibusvis Ec-
clesiis, etiam si Beneficia huiusmodi, Cano-
nicatus, & Præbende, dignitates, perso-
natus, administrationes, vel officia in eis-
dem Cathedralibus, etiam Metropolitanis,
vel Collegiatis, & ipsæ Præbende in illis ex
huiusmodi Ecclesiis, in quibus maiores, vel
minores Præbende esse noscuntur; etiam
si maiores fuerint, & ad dignitates, per-
sonatus, administrationes, vel officia huius-
modi consueverint qui per electionem assu-
mi, eisque cura immineat animarum, dum-
modo dignitates ipsæ in Cathedralibus,
etiam Metropolitanis post Pontificales ma-
jores, aut Collegiatis huiusmodi principales
non existant, ad eorundem Collatorum &
Collatricum collationem, provisionem, præ-

Beneficia ex-
cepta,

sentationem, electionem, seu quamvis aliam dispositionem communiter, vel divisim pertinentibus singulis personis conferendis, seu super hoc, quod persona huiusmodi ad illa recipiantur, & admittantur Preces porrigi, seu de personis eisdem ad huiusmodi Beneficia nominationes fieri contigerit, primarias iidem Collatores & Collatrices, salvo, quod singula collationes, & singula Ecclesia ex hoc ultra quam in uno Beneficio non graventur, ac ipsi Collatores & Collatrices, saltem quatuor Beneficia Ecclesiastica conferre habeant, huiusmodi Precibus, & nominationibus parere, & intendere, necnon personas ipsas ad huiusmodi Beneficia, postquam ipsis de illis canonicè provisum fuerit, juxta earundem Precum, aut nominationum tenorem recipere, & admittere debeant, & etiam teneantur &c. Quodque quicumque quibusvis in dignitatibus constituti, seu Ecclesiarum Cathedralium Canonici, singuli videlicet in illis, quas pro singulis personis praedictis Precum & nominationum huiusmodi, & ad hoc, ut illa sortiantur effectum, etiam praesentium Executores deputaveris per se, vel alium, seu alios Beneficia praedicta, cum in quibusvis etiam Ordinariis Collatoribus per constitutiones nostras, aut literas alternativas, aliaque privilegia, & indulta quaecumque quo-

106 De primariis Precibus Imperialibus
modolibet concessis, & in posterum conce-
dendis, aut aliis quibuscumque mensibus va-
caverint, & quæ persona, pro quibus Pre-
ces, & nominationes hujusmodi factæ fue-
rint, quatenus hujusmodi Preces, sive no-
minationes ad illa se extendant, infra men-
sem, postquam ipsis vacatio hujusmodi Be-
neficiorum innotuerit, duxerint acceptanda;
Beneficia ex- etiam si ipsa Beneficia dispositioni Apostoli-
cepta. ca aliàs quàm per constitutionem fel. recor-
dat. Benedicti Papæ XII. prædecessoris no-
stri, quæ incipit Ad regimen, generaliter
reservata existant, & ex diversis personis
vacaverint &c. dummodo quoad hujusmodi
qualitates aliàs cum eis canonicè dispensa-
tum, & Beneficia in eadem Ecclesia obti-
nenda talia sint, quæ sine dispensatione A-
postolica insimul obtineri possint aut consue-
verint, ac ipsorum vacantium Beneficio-
rum collatio non fuerit juxta Lateranen-
sis statuta Concilii, ad Sedem prædictam
legitimè devoluta, neque super illis inter
aliquos lis pendeat indecisa, conferre, &
assignare &c. ac personis prædictis, pro qui-
bus hujusmodi primarias Preces porrigi,
seu nominationes fieri contigerit, quod ipsæ
expectativis, ac nominationibus, seu spe-
cialium reservationum de quibusvis Bene-
ficiis pro eis factarum gratis, & mandatis
de providendo ipsis de eisdem, si quæ ipsis

Gregorius
Causa
Causa
Causa
Causa

concessa fuerint una cum gratia Precum,
 & nominationum primariarum earundem
 uti possint, nec aliqua gratiarum hujus-
 modi consumpta, reliqua earundem cassa
 censentur, vel irrita, indulgemus. Non
 obstantibus nostris de non utendo gratia
 expectativa, ac reservatione speciali, vel
 duabus gratiis insimul, ac de insinuatione,
 ac publicatione, & diligentis per accep-
 tantes desuper faciendis, ac in favorem
 Ordinariorum Collatorum, necnon expe-
 ctativas in forma pauperum habentium, ac
 illustrium, & graduatorum, ac Sedis prae-
 fatae Officialium, ac certas inibi expressas
 gratias habentium, necnon quibuscumque in
 Cancellaria Apostolica quaecumque pu-
 blicatis, & publicandis, ac aliis constitu-
 tionibus, & ordinationibus Apostolicis, nec-
 non Ecclesiarum, in quibus Beneficia hu-
 jusmodi forsan fuerint, statutis, & con-
 suetudinibus, illis praesertim, quibus in Ec-
 clesiis, in quibus majores, & minores Prae-
 benda hujusmodi fuerint, caveri dicitur,
 quod nullas inibi majorem Praebendam ma-
 jore assequi valeat, nisi illam de minori gra-
 datim, & per optionem ascendat juramen-
 to, confirmatione Apostolica, vel quavis
 firmitate alias roboratis contrariis quibus-
 cumque &c. necnon Concordatis nationis
 Germanicae, ac eorundem Concordatorum

Beneficia
 ex
 arqco

Derogatio
 regulis Can-
 cellariae, &
 concordatis.

108 De primariis Precibus Imperialibus
confirmatione, ac predictis, & quibus-
cumque aliis quandocumque editis, &
edendis constitutionibus, & regulis no-
stris, & dictæ Cancellariæ, ad quarum so-
lemnitatem, adstrictionem, formam, vel sa-
tisfactionem, seu observantiam, habentes
Preces, seu nominationes hujusmodi mini-
mè teneantur, nec ipsæ Preces sub illis com-
prehendantur quoquo modo, necnon quibus-
vis privilegiis, indultis, & literis Aposto-
licis, & quibusvis gratiis expectativis spe-
cialibus, vel generalibus, etiam mentali-
bus reservationibus, unionibus, annexio-
nibus, & incorporationibus, suppressionibus,
& extinctionibus perpetuis, & temporalibus
nominationibus &c. Datum Romæ apud
sanctum Petrum anno Incarnationis Domi-
nicæ millesimo sexcentesimo duodecimo ka-
lend. Martii, Pontificatus nostri anno
octavo.

L I.
Indultum
Ferdinando
II. à Paulo
V. concessum.

Matthiæ successit Ferdinandus II., cu-
jus indultum primariarum Precum à Pau-
lo V. impetratum non refero, cum illud
ediderit, & scholiis illustraverit Joannes
Chockier post Commentaria in regulas
Cancellariæ. Ferdinandi II. successor, Fer-
dinandus III. apud Urbanum VIII. anno
1638. statim ac in Romanorum Regem
assumptus fuit, & à Papa confirmatus,
institit pro indulto primariarum Precum,